



Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Inuusuttut inissiaat pillugit nassuiaammik Naalakkersuisut kingusinnerpaamik UKA2019-imi saqqummiussinissaat pillugu Inatsisartuni aalajangiiffigisassatut siunnersuut. Nassuiaammi inissianik sanaartornermi maanna suliniutaareersut sakkussallu tassunga attuumassuteqartut, soorlu ineqarnermut tapiissutinik nalilersuinermik imaqarlunilu maanna ingerlanneqartunit pisariaqartitsineq naammassineqarsinnaanngippat suliniutinut tapiliussassanut kaammattuutinik imaqassaaq.

(Inatsisartunut ilaasortat Mimi Karlsen, Inuit Ataqatigiit)

Tungavilersuut:

Nalungeriikkatsitut nunatsinni ilinniartunit kollegianik inissianik piupaneq pisariaqartitsinerlu annertuvoq. Suliniut tamanna ingerlareerpoq pilersaarusiorneqareerlunilu. Taamaattoq kollegianik taakkuninnga sanaartornissaq piffissartornassaaq aningaasarpassuarnillu akeqarumaassalluni.

Peqatigisaanillu aamma inuusuttunut allanut inissianik mikinerusunik aningaasaqarnikkullu nammakkuminarnerusunik annertuumik aamma pisariaqartitsisoqarunarpoq. Inuusuttorpasuit ilaqtaminni singuttariaqartartut tusartarparput, inuusuttulluni aamma nalaasaarfinni sinittariaqartarnerat tusartarlutigu.

Inuusuttugaanni ilinniartuuneq suliffeqarnerluunniit apeqqutaatinnagit inissiamik attartornissamut naammattumik aningaasassaqaarsinnaaneq ajornakusoorsinnaasarpoq. Angajoqqaani najugaqaarsinnarluni nammineq imminut pilersorlunilu nammineq inigisaqarneq aningaasaqarnikkut unammillernarsinnaasarpoq. Ingammik inissiat pigineqartut ilaqutariinnut annernut naleqqunneruneranni.

Inuusuttut inissiaattut inissiat minnerusut inuusuttunut ilinniagaqartunut isertitakitsunulluunniit unammilleruminarnerusut pivavut.

Inuusuttortatsinnut naapertuuttunik inissaqartitsinissamut pisariaqartitsinerup qanoq annertutiginera ajorluartumik ilisimanngilarput. Taamaammat eqimattat taakku pisariaqartitsinerat ilisimanatigu inissianik sanaartorlulalu pilersaarusiornernik ingerlatsivugut. Siunissami pilersaarutit nunatsinni innuttaaqatigiiaat pisariaqartitsivinnerannik toqqammaveqarnissaq kissaatigaarput.

INUIT ATAQATIGIIT

Inatsisartuni



Taamaammat Naalakkersuisut pisariaqartitsinerup qanoq annertutiginera, siunissamilu qanoq annertutigumaarnera pillugu nassuiaasiornissamik peqquvut. Kommunittaaq sanaartugassanut pilersaarutaat inuussuttut pisariaqartitaannik naammassinnissinnaanerit pillugu paasitinneqarnissaq pisariaqarpoq. Nunatsinni sumi inissianik taakkuninnga pisariaqartitsineq annertunerpaa va?

Pisortanut aningaasatigut allaffissornikkullu kingunerisassai:

Nassuiaat suliniutinut nassuiaatinullu pioreersunut tapiliussatut issasoq missingerneqarpoq, A/C-fuldmægtigillu ukiup sisamararterutaani sulinerartut 125.000 kr-inik naleqassangatinneqarluni.

Namminersortunut aningaasaatigut allaffissornikkullu kingunerisassai:

Soqanngilaq

Innuttaasunut aningaasatigut allaffissornikkullu kingunerisassai:

Soqanngilaq